其脉迟者固可下,即其脉不迟而又不数者,亦可下。唯脉数乃六 至,则不可下,即强下之,病必不解,或病更加剧。而愚对于此等 病,则有变通之下法,即用白虎加人参汤,将石膏不煎入汤中,而以 所煎之汤将石膏送服者是也。愚因屡次用此方奏效,遂名之为白 虎承气汤。方为:生石膏八钱(捣细),大潞党三钱,知母八钱,甘 草二钱,粳米二钱。药共五味,将后四味煎汤一钟半,分二次将生 石膏细末用温药汤送下。服初次药后,迟两分钟,若腹中不见动 作,再服第二次,若腹中已见动作,再迟点半钟,大便已下者,停服。 若仍未下者,再将第二次药服下。至若其脉虽数而洪滑有力者,用 此方时,亦可不加党参。愚从来遇寒温证之当下,而脉象数者,恒 投以大剂白虎汤,或白虎加人参汤,其大便亦可通下。然生石膏必 须用至四五两,煎一大碗,分数次温服,大便始可通下。间有服数 剂后,大便仍不通下者,其人亦恒脉静身凉,少用玄明粉二三钱,和 蜜冲服,大便即可通下。然终不若白虎承气用之较便也。按牛石 膏若服其研细之末,其退热之力一钱抵煎汤者半两,若以之通大 便,一钱可抵煎汤者一两。是以方中止用生石膏八钱,而又慎重用 之,必分二次服下也。寒温阳明病,其热甚盛者,投以大剂白虎汤, 其热稍退。翌日,恒病仍如故。如此反覆数次,病家终疑药不对 证,而转延他医,因致病不起者多矣。愚复拟得此方,初次用大剂 白虎汤不效,二次即将生石膏细末送服。其汤中用五六两者,送服 其末不过两余,或至二两,其热即可全消矣。"张氏谓脉迟可下,脉 数难下:吾师则谓下后脉和者安,脉转洪数者危,其理正有可通之 处。要皆经验之谈,不可忽视者也。张氏谓生石膏研细末送服,一 钱可抵煎汤者一两,信然。余则谓生石膏研细煎服,一钱亦可抵成 块煎服者三钱。大论原文本谓打碎锦裹,可以知之。若夫熟石膏 有凝固痰湿之弊,切不可用。张氏为此,曾大声疾呼以告国人,诚 仁者之言也。

- 三诊 四月十日
- 二次大下,热势渐平,唯下后津液大伤,应用白虎加人参汤,无

